



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Codex diplomaticus Brandenburgensis**

Sammlung der Urkunden, Chroniken und sonstigen Quellenschriften für  
die Geschichte der Mark Brandenburg und ihrer Regenten

**Riedel, Adolph Friedrich**

**Berlin, 1862**

XII. Fragment einer Zinnaschen Kloster - Chronik.

[urn:nbn:de:hbz:466:1-55046](https://nbn-resolving.org/urn:nbn:de:hbz:466:1-55046)

### Fragment einer Binnaschen Klosterchronik.

Anno domini Millefimo Centesimo septuagesimo fundatum est presens Monasterium a Wichmanno Archiepiscopo Magdeburgensi, designato nobis fundo cum terminis distinctis quoad omnem plagam mundi cum villa Czinnow et noua curia et molendino Litzenfehe, et successor Wichmanni, Ludolfus nomine, superaddidit nobis villam werder. Item hec prescripta bona habemus ab ecclesia Magdeburgensi titulo et via donacionis tantum, vti priuilegiis et litteris hec docere possumus. Reliqua omnia, vt sequitur, distractis aliis pernecessariis bonis, que in aliis diuersis principatibus et dominiis habuimus, hec comparauimus et mutauimus a diuersis, vt sic illa in vnum, vti hodie cernitur, comportaremus.

Anno Millefimo ducentesimo quarto, tempore Alberti Archiepiscopi, villam Schlentziger per viam permutationis pro villa Heinrichsdorff a Capitulo Magdeburgensi acquisiuimus.

Anno Millefimo ducentesimo decimo octauo Emimus villam Sernow cum duodecim mansis, octo ab aluerico et quatuor a duobus vicariis. Reliquam partem eiusdem ville emimus a Capitulo et Episcopo Magdeburgensi. Actum tempore Alberti Episcopi.

Anno Millefimo ducentesimo XXII<sup>o</sup>. emimus villam welmerfdorff alias wemarisdorff, a Godefrido de Spandow pro vna parte, Reliquam mutantes ab Henrico de Lype pro quibusdam decimis. Actum tempore Alberti et Conradi Episcoporum.

Anno MCCLXVIII tempore Conradi Episcopi emimus has duas villas Bardenitz et pechuele a Richardo de Czerwest cum omni iure.

Anno MCCXCV acquisiuimus has duas villas videlicet Kennitz et Berkenbrugke a Domino Henningo de trebin pro restauro dampni nobis illati tempore Erici Episcopi.

Anno domini MCCLXXXV tempore Erici Episcopi emimus oppidum et castrum

Luckenwalde a nobilibus Baronibus oltzone et wedhegone dictis de Richow cum villis ad ipsum pertinentibus videlicet franckenfelde, Gotzdorff, Frankenforde, Melfdorff, Velgendrewe, Czulkendorff, Ruelfdorff, Lubetz, woltterdorff, Jenkendorff, Koltzenborg cum omnibus siluetis et terminis et Juribus suis, pro duabus milibus et quingentis marcis Brandenburgensis argenti et certe multo amplius. Hec omnia cum consensu et voluntate Episcopi et Capituli facta sunt, vbi nos aliis pernecessariis distractis possessionibus et bonis hec comparauimus, ducentis marcis argenti pro collacione proprietatis dando Episcopo et aliis.

Anno MCCCVII Emimus paludem Straßbruch per medium sue longitudinis cum quinque villis videlicet Dobrichow, Netkendorff, Henkendorff, Melne, Mertenfmole ab vno, qui dictus est Heidenricus de Trebin, dominus in Blankenfehe tempore Henrici Episcopi.

Anno MCCCXVII tempore Borchardi Episcopi Emimus villam Dumdie ab Henrico de Katheritz, milite, cum omni iure.

Anno MCCCXCVII Emimus malleum a viuiantz et Joanne fratribus, dictis de Heinrichsdorff, tempore Alberti Episcopi.

Villam preterea Grunow prope monasterium, vti ex relatione seniorum Huius monasterii ante L annos audiuius, ipsi patres nostri per se et propriis sumptibus et manibus exedificauerunt et agros colonis, vti nunc cernitur, sub certo pacto distribuerunt.

Omnia hec bona prescripta patres nostri comparauerunt et magnis laboribus et sumptibus, aliis bonis hinc Inde distractis, in vnum comportauerunt ad centum annos et vltra post fundacionem, Solam proprietatem a Capitulo Magdeburgensi et illam non-gratis, vti in litteris demonstrare possumus, Habentes.

#### Catalogus Abbatum Coenobii Zinnenfis.

I. Ritzo	XI. Hildebrordus	XXI. Matthias
II. Rudolphus	XII. Gerhardus	XXII. Nicolaus
III. Hertelo	XIII. Joannes	XXIII. Benedictus
IV. Guntherus	XIV. Joannes	XXIV. Henricus
V. Wilhelmus	XV. Dithmarus	XXV. Matthaues
VI. Joannes	XVI. Conradus	XXVI. Valerianus. Dieser ist abgezogen in die Martini MDXLVII.
VII. Joannes	XVII. Henricus	Nach diesem ist der alte Klitzing Abt worden, hatt seine leuse im closter woll abgeschütt, sed ex male quae- sitis.
VIII. Conradus	XVIII. Albertus	
IX. Joannes	XIX. Theodoricus	
X. Albertus	XX. Mauritius	